



Nukilan:
Nurul Hamira Abd Razak
Pembantu Pustakawan
Perpustakaan
Universiti Malaysia Pahang Al-Sultan Abdullah (UMPSA)



Karya Kreatif

Hujan yang Mengingatn Luka

Hujan turun lagi malam ini
Entah kenapa
Setiap rintiknya yang jatuh
Terasa seperti dunia
Sedang meminjamkan bahunya
Untuk bersandar

Namun,
Ada luka yang dah lama disimpan,
Tapi hujan selalu pandai
Menyentuh tempat yang tersembunyi.
Setiap titisnya, terasa seperti mengetuk perlahan
Dan bertanya,
"Masih sakitkan?"
Walau jarang diakui

Ada harapan yang dibiarkan hidup terlalu lama,
Hingga akhirnya mati perlahan-lahan
Di tangan masa dan realiti.

Hujan malam ini
Mengingatn semua yang terjadi
Bukan untuk menyakitkan
Tapi untuk mengingatn
Apa yang dirasa
Apa yang disayangi
Dan apa yang telah hilang

Kadang-kadang tertanya
Mengapa dunia masih berjalan seperti biasa
Sedangkan ada sesuatu yang runtuh tanpa bunyi

Tapi hujan
Ada cara untuk memujuk
Ada cara untuk melembutkan
Air yang jatuh berulang-ulang
Seolah-olah membasuh perlahan
Apa yang tak mampu dilepaskan
Dan membawa pergi sedikit luka lama

Malam ini
Biarlah hujan menjadi suara
Suara yang tak mampu dikeluarkan.
Biarlah ia menangis
Sampai langit kembali cerah
Walaupun belum sembuh sepenuhnya



Kejurusan • Teknologi • Kreativiti | Study@UMPSA

[Creative Work](#)

Hujan yang Mengingatn Luka

3 February 2026

- 27 views

[View PDF](#)